

**Nr. Prot.052/B/20**

## **VENDIMI Nr. 1641**

**Për**

**Për Definim të Tregut**

**‘Terminimi i thirrjeve me zë në rrjetet mobile individuale’**

Në mbështetje të Ligjit Nr. 04/L-109 për Komunikime Elektronike, neni 10, paragrafi 5), neni 31, paragrafët 1), 4), 6) dhe 12), neni 32, neni 33, neni 36, neni 37, neni 40 dhe neni 79, paragrafët 1) dhe 2) (tutje referuar si - Ligji); Rregullores Nr. 42 për Analizat e Tregut, (Ref. Nr.Prot. 110/B/19), neni 3, paragrafët 3.1), 3.3) dhe 3.4), neni 4, paragrafi 4.3.2) (tutje referuar si - Rregullorja për Analizat e Tregut), Rregullorja Nr. 36 për Shërbimin e Interkoneksionit të rrjeteve të komunikimeve elektronike, (Nr.Prot.028/B/20 - tutje referuar si - Rregullorja për interkoneksion); Direktivës 2002/21/EC të Parlamentit dhe Këshillit Evropian të datës 7 Mars 2002 për Rrjetat dhe Shërbimet e Komunikimeve Elektronike (Direktiva Kornizë), Rekomandimit të Komisionit Evropian (2003/311/EC), e ndryshuar me Direktivën 2009/140/EC, së bashku me rekomandimin (2007/879/EC) e pasuar me atë të datës; 17 Dhjetor 2007 mbi produktet dhe shërbimet relevante të tregjeve të ndjeshme me rregullimin *ex-ante*; Udhërrëfyesin e Komisionit Evropian mbi analizën e tregjeve dhe vlerësimin e fuqisë së ndjeshme në treg sipas kornizës rregullatore për rrjetet dhe shërbimet e komunikimeve elektronike (2002/C 165/03); Vendimit Nr.1529 për Fillimin e Procesit të Analizës së Tregut të Terminimit të Thirrjeve me zë në rrjetet mobile individual të datës; 04/03/2020 (Ref. Nr. Prot. 013/B/20); në përputhje me dispozitat e nenit 13 paragrafi 1 dhe 5 i Statutit të Autoritetit Rregullator për Komunikime Elektronike dhe Postare (ARKEP), Bordi i ARKEP i përbërë nga:

- 1) z. Nijazi Ademaj Anëtar i Bordit
- 2) z. Hazir Hajdari Anëtar i Bordit
- 3) z. Bahri Anadolli Anëtar i Bordit
- 4) z. Shqiprim Pula Anëtar i Bordit

në mbledhjen e 57-të, të mbajtur me datë; 02 Tetor 2020, pas shqyrtimit të shkresave të lëndës dhe raportit të Departamentit për Komunikime Elektronike (DKE) për analizën e tregut të Telefonisë mobile dhe përcaktimin e operatorëve me fuqi të ndjeshme në treg (OFNT), vendosi si më poshtë:

## V E N D I M

- I. Tregu '**Terminimi i thirrjeve me zë në rrjetet mobile individuale**' është definuar për ndërmarrjet: **Telekomi i Kosovës SH.A., IPKO Telecommunications LLC dhe mts D.O.O.**;
- II. Ky vendim është përfundimtar dhe hyn në fuqi ditën e nënshkrimit.

## A R S Y E T I M

Autoriteti me vendimin Nr.1529 (Ref. Nr.Prot. 013/B/20) ka filluar procesin e analizës së tregut; '*Terminimi i thirrjeve me zë në rrjetet mobile Individuale*'.

Procedura e analizës së tregut sipas neni 31, paragrafi 4) i Ligjit përfshijnë fazat si në vijim:

- përcaktimi i tregut relevant (produkti/shërbimi dhe shtrirja gjeografike), karakteristikat e të cilit mund të jenë të tilla për të justifikuar imponimin e detyrimeve referuar në nenin 32 të këtij ligji;
- analizimi nëse tregu relevant ka konkurrencë efektive dhe në rastin kur nuk ka konkurrencë efektive, identifikimi i ndërmarrjeve me FNT në atë treg;
- imponimi, korigjimi dhe/ose anulimi i detyrimeve të referuara në nenin 32 të Ligjit në lidhje me ndërmarrjet me FNT.

Gjatë procesit të Analizës së Tregut '**Terminimi i thirrjeve me zë në rrjetet mobile individuale**', ARKEP i ka dërguar pyetësorët operatorëve (MNO): "**Telekomit të Kosovës**" Sh.A. dhe "**IPKO Telecommunications**" LLC. Po ashtu pyetësi i është dërguar edhe ndërmarrjes mts D.O.O., e cila posedon autorizim të përkohshëm dhe operon në kuadër të një infrastrukture të kufizuar, kryesisht në veri të vendit.

Duke pas parasysh atë që u tha më lartë dhe nga të dhënat e dorëzuara nga operatorët, si dhe sqarimet esenciale të ndërmarrjeve të pyetura janë paraqitur dhe vlerësuar në Raportin '**Analiza e Tregut të Telefonisë mobile dhe Përcaktimi i Operatorit me Fuqi të Ndjeshme në Treg (OFNT)**'.

Siç është cekur në Kapitullin II të Raportit pas analizës së tregut të Terminimit të thirrjeve mobile është konstatuar se:

Terminimi i thirrjeve mobile përfshinë bartjen e një thirrjeje me zë përmes një rrjeti mobil nga nyja komutuese (switching node) ku është realizuar interkoneksioni (ose mund të realizohet) deri në pikën fundore/terminuese të rrjetit, si dhe

Shërbimi i terminimit të thirrjeve zanore në rrjetin mobil përbën një treg të veçantë për secilin operator (nuk mund të konsiderohet pjesë e një tregu më të gjërë shërbimesh);

- Tregu i terminimit të thirrjeve me zë në rrjetin mobil te Telekomit të Kosovës sh.a. dhe
- Tregu i terminimit të thirrjeve me zë në rrjetin e mobil te IPKO Telecommunications LLC
- Tregu i terminimit të thirrjeve me zë në rrjetin mobil te mts d.o.o.

Siç është cekur në Raport në pikën 3.1, Kapitullit III të Raportit për Analizën e Tregut:

- **Telekomi i Kosovës** - ka pjesëmarrje prej 100% të tregut të terminimit të thirrjeve në rrjetin në mobile te Telekomit te Kosovës, prandaj duhet të përcaktohet si operator me fuqi të ndjeshme në treg;
- **IPKO** - ka pjesëmarrje prej 100% të tregut të terminimit të thirrjeve në rrjetin në mobile te IPKO-s prandaj duhet të përcaktohet si operator me fuqi të ndjeshme në treg;
- **mts d.o.o.** - ka pjesëmarrje prej 100% të tregut të terminimit të thirrjeve në rrjetin në mobile e mts-s prandaj duhet të përcaktohet si operator me fuqi të ndjeshme në treg;

Andaj, është vendosur sikurse në dispozitiv të këtij vendimi.

### **Këshilla Juridike;**

Kundër këtij vendimi nuk lejohet ankesa por mund te hapet konflikt administrativ ne Gjykatën kompetente ne afatin prej 30 ditësh.

**Prishtinë, 20/10/2020**

**Autoriteti Rregullator i Komunikimeve Elektronike dhe Postare**

### **Aktvendimi i dërgohet:**

- Telekomit të Kosovës Sh.A
- IPKO Telecommunications LLC
- Mts D.O.O.
- Autoritetit Kosovar të Konkurrencës,
- Arkivit të ARKEP-it.